

弘一大師全集

趙樸初署



第二冊

《弘一大師全集》（修訂版）

旨編

佛學卷

句讀校注

海峽出版發行集團
福建人民出版社

第二冊目錄

佛學卷

第二部類 句讀校注

四分律刪繁補闕行事鈔

三

附：事鈔持犯方軌篇表記

三〇四

事鈔略科

三一六

事鈔戒業疏科別錄合冊

三二三

律鈔宗要隨講別錄

三四三

四分律行事鈔資持記


三四九



佛學卷

句讀校注





四分律刪繁補闕行事鈔總目

卷首

鈔序

卷一之卷上

標宗顯德篇第一

集僧通局篇第二

足數眾相篇第三別眾法附

受欲是非篇第四

通辨羯磨篇第五

卷二之卷上

結界方法篇第六

僧網大綱篇第七

卷三之卷上

四分律行事鈔總目

受戒緣集篇第八

師資相攝篇第九

卷四之卷上

說戒正儀篇第十

安居策修篇第十一

受日法附

自恣宗要篇第十二

迦絺那衣法附

卷五之卷中

篇聚名報篇第十三

隨戒釋相篇第十四別釋四中一戒法二戒體三戒行四戒相中四波羅夷

卷六之卷中

隨戒釋相篇之餘十三僧殘二不定三十捨墮



卷七之卷中

隨戒釋相篇之餘九十單提四提舍尼百眾學

卷八之卷中

持犯方軌篇第十五 懺六聚法篇第十六

卷九之卷下

二衣總別篇第十七

卷十之卷下

四藥受淨篇第十八

鉢器制聽篇第十九房舍五行調度眾具法附

對施與治篇第二十

四分律行事鈔總目

卷十一之卷下

頭陀行儀篇第二十一

僧像致敬篇第二十二造立像寺法附

訃請設則篇第二十三 導俗化方篇第二十四

主客相待篇第二十五四儀法附

卷十二之卷下

瞻病送終篇第二十六

諸雜要行篇第二十七謂出世正業比丘所依法

沙彌別行篇第二十八 尼眾別行篇第二十九

諸部別行篇第三十

四分律刪繁補闕行事鈔序

作者非無標名顯別



唐京兆崇義寺沙門釋道宣撰述

夫戒德難思冠超眾象爲五乘之軌導實三寶之舟航。依教建修定慧之功莫等。住持佛法羣籍於茲息唱。自大師在世偏弘斯典。爰及四依遺風無替。逮于像季時轉澆訛爭鋒唇舌之間。鼓論不形之事。所以震嶺傳教九代聞之拔萃出類智術而已。欲明揚顯行儀。匡攝像教垂彝範訓末學。紐既絕之玄綱。樹已顛之大表者。可得詳而評之。豈非憑虛易以形聲軌事難爲露潔者矣。然則前修託於律藏指事披文而

四分律行事鈔卷首

鈔序

用之。則在文信於實錄而寄緣良有繁濫。加以學非精博。臆說尤多。取類寡於討論。生常異計斯集。致令辨析覺戾輕重倍分。眾網維持同異區別。自非統教意之廢興考諸說之虛實者。孰能闢重疑遣通累括部執詮行相者歟。常恨前代諸師所流遺記。止論文疏廢立問答要鈔。至於顯行世事方軌來蒙者。百無一本。時有銳懷行事而文在義集。或復多列游辭而逗機未足。或單題羯磨成相莫宣。依文用之不辨前事。並言章碎亂未可披檢。所以尋求者非積學不知。領會者非精鍊莫悉。余因聽采之暇。顧眎羣篇通非

屬意俱懷優劣。斐然作命直筆具舒。包異部誠文括眾經隨說及西土賢聖所遺。此方先德文紀。搜駁同異。並皆窮覈。長見必錄。以輔博知。濫述必翦。用成通意。或繁文以顯事用。或略指以類相從。或文斷而以義連。或徵辭而假來問。如是始終交映。隱顯互出。并見行羯磨諸務。是非導俗正義出家雜法。並皆攬爲此宗之一見。用濟新學之費功焉。然同我則擊其大節。異說則斥其文繁。文繁誰所樂之。良由事不獲已。何者若略減取其梗槩。用事恆有不足。必橫評不急之言於鈔便成所諱。今圖度取中務兼省約救急備

四分律行事鈔卷首

鈔序

卒勒成三卷。若思不贖於時事。固有闕於行詮。則略標旨趣以廣於後。然一部之文義張三位。上卷則攝於眾務成用。有儀中卷則遵於戒體持犯。立懺下卷則隨機要行。託事而起。並如文具委想無紊亂。但境事實繁良難科擬。今取物類相從者以標名首。至於統其大綱。恐條流未委。更以十門例括。方鏡曉遠。詮標宗顯德篇第一
集僧通局篇第二
足數眾相篇第三
別眾附
受欲是非篇第四
通辨羯磨篇第五
結界方法篇第六
僧網大綱篇第七

受戒緣集篇第八捨戒六念法附

師資相攝篇第九 說戒正儀篇第十

安居策修篇第十一受日法附

自恣宗要篇第十二迦絺那衣法附

篇聚名報篇第十三 隨戒釋相篇第十四

持犯方軌篇第十五 懺六聚法篇第十六

二衣總別篇第十七 四藥受淨篇第十八

鉢器制聽篇第十九房舍五行調度眾具法附

對施與治篇第二十 頭陀行儀篇第二十一

僧像致敬篇第二十二造立像寺法附

四分律行事鈔卷首鈔序 二

訃請設則篇第二十三 導俗化方篇第二十四

主客相待篇第二十五四儀法附

瞻病送終篇第二十六 諸雜要行篇第二十七

沙彌別法篇第二十八 尼眾別行篇第二十九

諸部別行篇第三十

第一序教興意夫至人興世益物有方隨機設教理無虛授論云依大慈門說於毗尼故律云世尊慈念故而爲說法二爲對外道無法自居顯佛法人尊道高故制斯戒觀下律中凡所制言並懷異術故文云若不撰結則令外道以致餘言三爲對異宗故來宗

則有其多別且如薩婆多部戒本繁略指體未圓接俗楷定於時數御法例通於無準今曇無德部人法有序軌用多方提誘唯存生善立教意居顯約上則通明教興今據當宗以辨夫教不孤起起必因人人既不同教亦非一故攝誘弘濟軌用實多貴在得其本詮誠難覈其條緒所以約開制驗旨在爲人顯持犯諒意存無過今東一律藏以五例分之則教興之意可見也二以遮性往分性惡則通於化制遮戒因過便起然則性戒文緩而義急謂隨諸重戒並有開文文雖是開開實結犯縱成持也持之實難如姓則

四分律行事鈔卷首鈔序 四

三時無樂毀譽則始終慈救既是根本貪瞋何能禁心無逸故知義存急護也遮戒一往制止有益便開開之過興還復令制豈非爲存化俗患墜枉坑大慈設教意唯檢失故毗尼母論具立緩急二儀令尋之以通望也二以開制往徵教則通於二世故下文云以世尊是一切智人故制已更開開已還制此還未來教也如五分雖我所制於餘方不爲清淨者則不應用雖非我所制於餘方必應行者不得不行此如來在世教也然二教相融互兼彼此三以報有強弱教亦重聽就制則深防限分約行則山世不同四以

機悟爲先。教門輕重致隔。五部異執。豈不然耶。五以事法相對。法唯楷式。乖旨則事不成。事通情性。故隨境制其得失。或託三性之緣。或隨世譏而起。且略引諸條。薄知方詣。總撮包舉者。莫非拯接凡庸。心懷泥曰而興教矣。故文云。世尊何故制增戒學。爲調三毒。故云。何爲學。爲求四果。故下諸門中所述制意。止隨前事。今後進者。尋條知本焉。

第二制教輕重意。輕重兩意。裁斷實難。何者。原彼能施之教。教主窮機之人。又推此所爲之人人。唯應藥之器。所以藥病相扣。利潤無方。豈可以情斷。寧復言

四分律行事鈔卷首

五

論測也。雖然。重嚴其遠標。實被於來裔。在文自顯。何假證成。今序斯大略。所謂有七。一興厭漸頓。二結正業科。三報果不同。四攝趣優劣。五起情虛實。六開制互立。七約行彰異。如喧靜二儀也。凡此諸例。並制教之本懷。據斷之宗體。

第三對事約教判處意。自佛法東流。幾六百載。諸師穿鑿判割。是非競封同異。不可稱說。良由尋討者不識宗旨。行事者昏於本趣。故須學師必約經遠。執教必佩真文。何事被於毀譏。豈復淪乎嗤責。今判其持犯。還約其受體。體既四分而受。豈得異部明隨。猶恐

不曉大綱。更示其分齊。謂輒將己所學者。判他持犯。脫羅愆失。其唯不學愚癡。今通立定格。其成較準。一披條領釋。然大觀。

第四用諸部文意。統明律藏本實一文。但爲機悟不同。致令諸計嶽立。所以隨其樂欲。成立已宗。競采大眾之文。用集一家之典。故有輕重異勢。持犯分塗。有無遞出。廢興互顯。今立四分爲本。若行事之時。必須用諸部者。不可不用。故善見云。毗尼有四法。諸大德有神通者。鈔出令人知。一本者。謂一切律藏。二隨本。三法師語者。謂佛先說本。五百羅漢廣分別流通。卽

四分律行事鈔卷首

六

論主也。四意用。謂以意方便度用。及三藏等廣說也。先觀根本。次及句義。後觀法師語。與文句等者。用不等者。莫取。第六卷中廣明律師法正文如此。然行藏之務。實難取捨之義。非易。且述其大詮。以程無惑。謂此宗中文義俱圓。約事無缺者。當部自足。何假外求。餘有律文不了。事在廢前。有義無文。無文有事。如斯眾例。並取外宗。成此一部。又所引部類。必取義勢相關者。可用證成。必緩急重輕。是非條別者。準論不取。故文列四說。令勘得失。十誦墨印。義亦同之。若此以明。則心境相照。動合規猷。繁略取中。理何晦沒。若不鏡覽諸部。

偏執一隅。涉事則不周。校文。文無可據。遂師心臆。見各競是非。互指爲迷誠。由無教。若四分判文有限。則事不可通行。還用他部之文。以成他部之事。或二律之內。文義雙明。則無由取捨。便俱出。正法隨意。采用。然行用。正教親自披閱。恐傳聞濫真。故也。又世中持律。略有六焉。一唯執四分一部。不用外宗。如持衣例。文無止但手持而已。二當部缺文。取外引用。即用上誦持三衣加藥之類。三當宗有義文。非明了。謂狂顛足數睡聲之類。四此部文義具明。而是異宗所廢。如捨淨地直言說戒之類。五兼取五藏通會律宗。如長含中不令更試外道。六終窮所歸大乘至極。如楞伽涅槃僧坊無煙禁斷酒。

四分律行事鈔卷首

七

肉五辛八不淨財之類。此等六師各執正言。無非聖旨。但由通局兩見。故有用解參差。此鈔所宗。意存第三第六。餘亦參取得失。隨機知時故也。

第五文義決通意。夫理本絕名。故立名標其宗極。名隨事顯。故對事而備斯文。然考斯律藏。言事並周。但爲年代渺邈。聲彩靡追。法爲時移。事多殘缺。加以五師拈拾。情見不同。重由翻譯失旨。妄生構立。又爲鈔寫錯漏。相承傳濫。所以至於尋究紛慮。良多。今總會之以通其大見。若文義俱闕。則可舉一以例諸。或就理有而成前事。或在文雖具。而於義有闕。便以義定。

之。故論言以理爲正。故也。或義雖必立。當部無文。則統關諸部。以息餘諍。然文義決通。誠難廢立。自非深明律相善達。開遮不然。便有累於自心。固無益於他境。故律云。文義俱同。文同義異。文異義同。文義俱異。具舒進止。不勞敘釋。然決判是非者。必總通律藏之旨。并識隨經之文。如上六師所明。乃可究斯教迹。故十誦云。比丘有三事。決定知毗尼相。一本起。二結戒。三隨結。應思惟觀察。二部戒律。并及義解。毗尼增一。開遮輕重。如五大色。是不淨遮。非色淨不遮。如是等籌量本末。已用也。明了論亦云。比丘能知五相名解。

四分律行事鈔卷首

八

毗尼不看他面。文略同上。廣如彼說。

第六教所詮意。詮教之文。文雖浩博。撮其大趣。止明持犯。然持犯之境。境通內外。內謂行心之結業。外謂情事之順違。但令教行相循。始終無犯。則爲持也。若生來不學於法。無聞修造。善惡義兼。福罰今欲科罪。但使與教相應。不問事情虛實。並名犯也。此通名持犯也。若結篇正罪窮諸治罰。必令束其方便。攬成業果。使量據覈其實情。輕重得於理教。則斷割皎然。更何蕪濫。此別名持犯也。

第七道俗七部立教通局意。顯理之教。乃有多途。而

可以情求。大分爲二。一謂化教。此則通於道俗。但汎明因果。識達邪正。科其行業。沈密而難知。顯其來報。明了而易述。二謂行教。唯局於內眾。定其取捨。立其綱致。顯於持犯。決於疑滯。指事曲宣。文無重覽之義。結罪明斷。事有再科之愆。然則二教循環。非無相濫。舉宗以判理。自彰矣。謂內心違順。託理爲宗。則準化教。外用施爲。必護身口。便依行教。然犯化教者。但受業道一報。違行教者。重增聖制之罪。故經云。受戒者罪重。不受者罪輕。又廣自明。所以更分者。恐迷二教之宗體。妄迷業行之是非。故立一門。永用鐫別。

四分律行事鈔卷首 鈔序

九

第八僧尼二部行事通塞。意然二部同戒。同制。則事法相同。行用儀式。類準僧法。具在諸門。隨事詳用。若辨成犯相者。戒本自分。隱而難知者。具在隨相。餘有約位之戒。謂輕重不同。有無互缺。犯同緣異。而是當世盛行。種相難知者。及別行眾行等法。方列尼別行法中。此但分其宗類。猶未顯其來詮。諸有不同之意。具在大疏。

第九下三眾隨行異同意。二眾沙彌若約戒體。同大僧無作。檢其本數。唯顯於十。就餘隨行類等。塵沙結罪。居第五篇。就位在諸戒末。自外行法不同。取捨有

異者。各就別篇具明。式又摩那大法。是其學宗。戒體更不重發。自餘隨行對治同諸三眾學之。必有不同。具如尼別法所顯。

第十明鈔者。引用正文。去濫傳真。科文酌意。初明引用正經。次明世中僞說。後明鈔興本意。初言正本者。僧祇律。是根本部。餘是五部。曇無德部。四分律也。薩婆多部。十律也。彌沙塞部。五分也。迦葉遺部。解脫律也。婆蹉富羅部。律也。律本未至此。毗尼母論。善見論。摩得勒伽論。薩婆多論。并毗奈耶律。明了論。釋正量部并五百問法。出要律儀。梁武帝集。自餘眾部。文廣不列。并大小乘經。及以

四分律行事鈔卷首 鈔序

十一

二論與律相應者。名隨經律。並具入正錄。如費長房開皇三寶錄十五卷中。次明諸師異執法。聰律師覆律師。六卷。光律師。兩度出疏。理隱樂三師。各出疏。遵統師。疏八卷。淵律師。疏有雲暉願三師。各自出疏。洪勝二師。疏有首律師。十卷。二彌律師。十卷。基律師。疏有外曇瑗僧祐靈裕諸師。已下及江表關內河南蜀部諸餘流傳者。並具披括。一如義鈔。次明世中僞經。諸佛下生經六表淨行優婆塞經十卷。獨覺論。金棺經。救疾經。罪福決疑經。毗尼決正論。優波離論。普決論。阿難請戒律論。迦葉問論。大威儀請問論。五辛經。寶鬘論。唯識普決

論初教經罪報經日輪供養經乳光經應供行經福田報應經寶印經沙彌論文殊請問要行論提謂經如是等人造經論總有五百四十餘卷代代漸出文義淺局多附世情隋朝久已焚除愚蒙猶自濫用且述與律相應者如前所列餘文存略後明鈔興本意夫鈔者固今撮略正文包括諸意也余智同螢曜量實疏庸何敢輕侮猷言動成戲論雖然學有所承承必知本每所引用先加覆檢於一事之下廢立意多諸師所存情見繁廣今並刪略止存文證及教通餘論理相難知自非通解焉能究盡具如集義鈔所顯

四分律行事鈔卷首

鈔序

十二

而鈔略證文多不具委但取文義堪來入宗者自外不盡之文必欲尋討知其始末則非鈔者之意故文云諸比丘欲不具說文句佛言聽之毗尼母論云佛令引要言妙辭直顯其義庶令臨機有用無待訪於他人卽事卽行豈復疑於罪福猶恐後代加諸不急之務增益其中使眞宗蕪穢行者致迷鳥鼠之喻復存於茲日矣此之十條並總束諸門例科分析若攢收不盡自下別論天宅身佛海餐味法流形廁僧伍行唯三位若遵仰正戒識達持犯則中卷之中體相具矣自行既成外德彰用則上卷之中綱領存矣自

他兩德成相多途則下卷之中毛目顯矣此三明行無行不收三卷攝文無文不委然則事類相投更難量擬若長途散釋則寡於討論必隨相曲分使過在繁碎今隨宜約略通結指歸使舉領提綱毛目自整載舒載覽隨事隨依

四分律行事鈔卷首

鈔序

十二

四分律刪繁補闕行事鈔卷上之一 南山律要一

唐京兆崇義寺沙門釋道宣撰述

標宗顯德篇第一

集僧通局篇第二

足數眾相篇第三

受欲是非篇第四

通辨羯磨篇第五

結界方法篇第六

僧網大綱篇第七

受戒緣集篇第八

師資相攝篇第九

說戒正儀篇第十

安居策修篇第十一

自恣宗要篇第十二

標宗顯德篇第一

剛出宗體後
引文成德

夫律海冲深津通萬象雖包含無外而不徂死屍騰

四分律行事鈔卷一

標宗顯德篇一

一

岳波雲而潮不過限。故凡廁預玄門者。克須清禁無容於非。沐水道水者。慕存出要無染於世。故能德益於時。迹超塵網。良由非法無以光其儀。非道無以顯其德。而澆末淺識庸見之流。雖名參緇服。學非經遠。行不依律。何善之有。情既疏野。寧究真要。封懷守株。志絕通望。局之心首而言無詣。意雖論道不異於俗。與世同流。事乖真趣。研習積年。猶迷闇託。況談世論孰能體之。是以容致濫委。以亂法司。肆意縱奪。專行暴烈。尚非俗節所許。何有道儀得存。致令新學困於磐石。律要絕於羈勒。於時正法玄綱。寧不覆墜耶。故

知興替在人也。深崇護法者。復何患佛日不再。曜法輪不再轉乎。今略指學體行相。令後進者興建有託。

夫戒者以隨器爲功。行者以領納爲趣。而能善淨身心。稱緣而受者。方克相應之道。若情無遠趣。差之毫微者。則徒染法流。將何以爲道之淨器。爲世良田。義復安在。是以凡欲清身行。徒遠希圓果者。無宜妄造。必須專志攝慮。令契入無滯。故經云。雖無形色。而可護持。斯文明矣。何者。但戒相多途。非唯一軌。心有分限。取之不同。若任境彰名。乃有無量。且據樞要。略標四種。一者戒法。二者戒體。三者戒行。四者戒相。言戒

四分律行事鈔卷一

標宗顯德篇一

十二

法者。語法而談。不局凡聖。直明此法。必能軌成出離之道。要令受者信知有此。雖復凡聖通有此法。今所受者。就已成而言。名爲聖法。但令反彼生死。仰廁僧徒。建志要期。高棲累外者。必豫長養。此心使隨人成就。乃可秉聖法。在懷習聖行。居體。故得名爲隨法之行也。二明戒體者。若依通論。明其所發之業體。今就正顯。直陳能領之心相。謂法界塵沙二諦等法。以己要期施造。方便善淨。心器必不爲惡。測思明慧。冥會前法。以此要期之心。與彼妙法相應。於彼法上有緣起之義。領納在心。名爲戒體。三言戒行者。既受得此

戒乘之在心。必須廣修方便。檢察身口威儀之行。克志專崇。高慕前聖。持心後起。義順於前。名為戒行。故經云。雖非獨對善修。方便可得。清淨文成。驗矣。四明戒相者。威儀行成。隨所施造。動則稱法。美德光顯。故名戒相。此之四條。並出道者之本。依成果者之宗。極故標於鈔表。令寄心有在。知自身心懷佩而法。下為六道福田。上則三乘因種。自餘紹隆。佛興建法幢。功德不可思議。豈唯言論能盡。直引聖說成證。令持法高士。詳而鏡諸。就中分二。初明順戒。則三寶住持。辦比丘事。二明違戒。便覆滅正法。翻種苦業。但諸經

四分律行事鈔卷一 標宗顯德篇一

三

論歎戒文多。隨部具舒。相亦難盡。今通括一化所說。正文且引數條。餘更存略。

初中分二。前約化教。後就制門。初又分四。一就小乘經者。如般泥洹經。明佛垂滅度。世間無師。阿難啟請。佛言。比丘若能奉戒者。是汝大師。若我在世。無異此也。遺教等經。並同斯示。然發趣萬行。戒為宗主。故經云。若欲生天等。必須護戒足。又如大地能生成萬物。故經云。若無淨戒。諸善功德不生。又云。依因此戒。得有定慧。又經云。戒者行根。住持。卽喻如地能生成住持也。一小乘論。如成實云。道品樓觀。以戒為柱。禪定

心城。以戒為郭。入善人眾。要佩戒印。是故特須尊重。於戒。解脫道論戒品中。具多讚美文繁。不出須者。看之。戒則不羸。毗婆沙云。具戒足者。戒言尸羅。亦言行也。亦云守信。亦名為器。尸羅言。令無破戒熱。及三惡道熱。故亦名善夢持者。常得善夢。故亦名為習由善習戒法。故亦名為定。若住戒者。心易得定。故亦名為池羣聖所浴。故亦名纓絡。老少中年。服常好。故亦名如鏡。由戒淨。故無我像現。故又名威勢。如來在世。有威力者。是尸羅之力。故餘如驅龍事。五百羅漢。不能逐之。有一羅漢。但以護戒力。故便卽驅出。以輕重等

四分律行事鈔卷一 標宗顯德篇一

四

持也。又戒名為頭。能見苦諦諸色。乃至知色陰等法。故能善護。故言守信也。能至涅槃城。故言行也。功德所依名器也。尊者瞿沙說曰。不破義是尸羅。義如人不破足。能有所至。行者不破尸羅。故能至涅槃。三大乘經者。華嚴云。具足受持威儀教法。行六和敬。善御大眾。心無憂悔。去來今佛。所說正法。不違其教。能令三寶不斷。法得久住。大集云。十方世界。菩薩請佛。為五淨眾生。制於禁戒。如餘佛土。為法久住。故佛後許之。便制禁戒。薩遮尼犍云。若不持戒。乃至不得疥癩野干身。何況當得功德之身。月燈三昧云。雖有色族

及多聞若無戒智猶禽獸雖處卑下少聞見能淨持戒名勝士。涅槃云欲見佛性證大涅槃必須深心修持淨戒若持是經而毀淨戒是魔眷屬非我弟子。我亦不聽受持是經。華嚴偈言戒是無上菩提本應當具足持淨戒若能堅持於禁戒則是如來所讚歎。故重引之令誦心首。四大乘論者智論云若求大利當堅持戒。一切諸德之根出家之要如惜重寶如護身命以是戒爲一切善法住處。又如無足欲行無翅欲飛無船欲度是不可得。若無戒者欲得好果亦不可得。若棄此戒雖山居苦行飲水服氣著草衣披袈裟

四分律行事鈔卷一 標宗顯德篇一 五

等受諸苦行空無所得。人雖貧賤而能持戒香聞十方名聲遠布夫人敬愛所願皆得。持戒之人壽終之時風刀解身筋脈斷絕心不怖畏。地持云三十二相無差別因皆持戒所得。若不持戒尚不得下賤人身況復大人相報。十住毗婆沙中有讚戒戒報二品廣列深利具如彼說。第二就制教中分兩。先明律本者僧祇中云欲得五事利益當受持此律何等五也。一建立佛法。二令正法久住。三不欲有疑悔請問他人。四僧尼犯罪者爲作依怙。五欲遊化諸方而無有闕是爲篤信善男子五利。四分持律人得五功德。一者

戒品牢固。二善勝諸怨。三於眾中決斷無畏。四有疑悔者能開解。五善持毗尼令正法久住。又得十利。如攝取於僧等。十誦云佛法幾時住世佛答言隨清淨比丘說戒法不壞名法住世。乃至三世佛亦爾。一依律論中明了論解云本音毗耶耶此略言毗尼也。有五義。一能生種種勝利。謂引生世出世善。二能教身口二業清淨及正直。三能滅罪障。四能引勝義在家者引令出家乃至引到梵住聖住無餘涅槃。五勝人所行事謂最勝人是佛。次獨覺及聲聞是勝人等皆行其中。若凡夫行者亦是勝人方能行此事。薩婆多

四分律行事鈔卷一 標宗顯德篇一 六

云毗尼有四義餘經所無。一戒是佛法平地萬善由之生長。二一切佛弟子皆依戒住。一切眾生由戒而有。三趣涅槃之初門。四是佛法纓絡能莊嚴佛法具斯四義功強於彼。善見云佛語阿難我滅度後有五種法令法久住。一毗尼者是汝大師。二下至五人持律在世。三若有中國十人邊地五人。如法受戒。四乃至有二十人如法出罪。五以律師持律故佛法住世五千年。五百問云佛垂泥日阿難悲泣佛問何以悲泣。乃至佛言我不滅度半月一來。又言佛有二身。肉身雖去法身在世若敬法者念法者便敬佛念佛若

持五戒卽見法身若護法者便爲護佛如飲水殺蟲之喻又如半月說戒卽見我也。薩婆多云何故律在初集以勝故祕故如諸契經不擇時處人說而得名經律則不爾唯佛自說要在僧中故勝也。又如分別功德論云由勝密故非俗人所行故不令見大莊嚴論云愚劣不堪護持此戒也。

二明違戒法滅者還約二教雜明。十誦云像法時有五滅法一比丘心得已便謂已聖。一白衣生天出家人入地獄。三人捨世間業而出家破戒。四破戒人多人佐助。五乃至羅漢亦被打罵。又有五種怖畏

四分律行事鈔卷一 標宗顯德篇一

七

一自不修身戒心慧復度他人。今不修身戒等法。二畜沙彌三與他依止四與淨人沙彌共住不知三相謂掘地斷草溉水五雖誦律藏前後雜亂四分中五種疾滅正法。一有比丘不諦受誦律喜忘文句復教他人文既不具其義有闕。一爲僧中勝人上座。一國所宗而多不持戒但修不善後生做習放捨戒行。三有比丘持法持律持摩夷而不教道俗卽便命終令法斷滅。四有比丘難可教授不受善言餘善比丘捨置五互相罵詈互求長短疾滅正法。十誦諸比丘廢學毗尼便讀誦修多羅阿毗曇世尊種種訶責乃至

由有毗尼佛法住世等多有上座長老比丘學律。維舍云若長老上座中年少年初不樂戒不重戒見餘樂戒者不隨時讚美我不讚歎何以故恐餘人同其見長夜受苦故。中舍云凡戒有五衰一求財不遂設得衰耗衆不敬愛惡名流布死入地獄。涅槃中由諸比丘不持戒故畜八不淨財言是佛聽如何此人舌不卷縮廣如彼說。摩耶經云樂好衣服縱逸嬉戲奴爲比丘婢爲比丘尼不樂不淨觀毀謗毗尼袈裟變白不受染色貪用三寶物等是法滅相。智論云破戒之人人所不敬其處如塚又失諸功德譬如枯樹惡

四分律行事鈔卷一 標宗顯德篇一

八

心可畏譬如羅刹人所不近如大病人難可共住譬如毒蛇雖復剃頭染衣次第捉籌實非比丘若著法衣鉢盂則是熱鐵葉洋銅器凡所食噉吞熱鐵丸飲洋銅汁則是地獄之人又常懷怖懼我爲佛賊常畏死至如是種種破戒之相不可稱說行者當應一心持戒問曰有人言罪不罪不可得名爲戒者何耶答曰非謂邪見麤心言無罪也若深入諸法相行空三昧慧眼觀故言罪不可得若肉眼所見與牛羊無異也今誦大乘語者自力既弱不堪此戒自恥穢行多不承習有引此據不解本文故曲疏出廣如第十五

卷中四分破戒五過。一自害爲智者所訶惡名流布。臨終生悔恨死墮惡道。十誦有十法正法疾滅。有比丘無欲鈍根。雖誦句義不能正受又不解了。不能令受者有恭敬威儀。乃至不樂阿練若法。又不隨法教。不敬上座無威儀者。令後生不受學毗尼。致令放逸失諸善法。好作文頌莊嚴章句。樂世法故正法疾滅。甚可怖畏。

集僧通局篇第二

僧者以和爲義。若不齊集相有乖離。御法則無成決之功。被事必據入非之位。故建首題集僧之軌度。後

四分律行事鈔卷十一 集僧通局篇二 九

明來處之通局。四分文云。當敷座打健稚盡共集一處等。五分云。諸比丘布薩時。不時集妨行道。佛言。當唱時。至若打健稚。若打鼓吹螺。使舊住沙彌淨人打。不得多應打三通。吹螺亦爾。除漆毒樹。餘木銅鐵。凡鳴者聽作。若唱二時。至亦使沙彌淨人唱住處。多不得徧聞。應高處唱。猶不知集更相語知。若無沙彌。比丘亦得打十誦。中居士請僧自於寺內鳴稚。乃至白時。至及送食。女人亦自鳴稚。中食施者亦爾。增一阿含云。阿難升講堂擊健稚者。此是如來信鼓也。十誦中。時僧坊中無人。知時限唱時。至及打健稚。又無人

灑掃塗治講堂食處。無人相續鋪牀及教人淨果菜食中蟲。飲食時。無人行水。眾亂語時。無人彈指等。佛令立維那。聲論翻爲次第也。謂知事之次第。相傳云。悅眾也。若準文中七種集法。若量影破打作聲。作煙吹貝打鼓打健稚。若唱諸大德。布薩說戒時到。亦不言比丘爲之。出要律儀引聲論翻健反。寒稚音。此名磬也。亦名爲鐘。上具列文。今須義設。凡施法事。先斟量用僧多少。依數鋪設座席。然後準文鳴鐘。貝如集僧法中。雖人並爲之多。無楷式。若依三千威儀經。則大有科要多少節解之法。但時所同廢雖易而難。今

四分律行事鈔卷十一 集僧通局篇二 十

通立一法。總成大準。謂僧多少。就事緩急。量時用之。若尋常所行生稚之始。必漸發聲。漸希。漸太。乃至聲盡。方打一通。如是至三。名爲三下。佛在世時。但有三下。故五分云。打三通也。後因他請。方有長打。其生起長打之初。亦同三下。中間四稚聲盡。方打。如是漸漸斂稚。漸漸小。乃至微末。方復生稚。向前三下。此古師以經律參校。共立此法。亦有清眾畫樣鐘所煮。然初欲鳴時。當依經論建心。標爲必有感徵。應至鐘所。禮三寶。訖具儀立念。我鳴此鐘者。爲召十方僧眾。有得聞者。並皆雲集。共同和利。又諸有惡趣受苦眾。